

CAP. IX.

DECOCTA.

DECOCTUM ALTHÆÆ OFFICINALIS.

℞. Radicis Althææ officinalis siccatae et contusæ
uncias quatuor,
Fructûs siccati Vitis viniferæ, demptis acinis,
uncias duas,
Aquæ libras septem.

DECOQUE ad libras quinque; liquorem colatum seponere, donec fæces subsederint, et effunde.

DECOCTUM ANTHEMIDIS NOBILIS: vulgo,
DECOCTUM CHAMÆMELI, sive COMMUNE.

℞. Florum Anthemidis nobilis siccatorum unciam unam,
Seminum Cari Carui contusorum unciam dimidiam,
Aquæ libras quinque.

COQUE per quartam horæ partem, et cola.

DECOCTUM CINCHONÆ OFFICINALIS: vulgo,
DECOCTUM CORTICIS PERUVIANI.

℞. Corticis Cinchonæ officinalis in pulverem
triti unciam unam,
Aquæ libram unam cum semisse.

COQUE per horæ partem sextam in vase operto,
et liquorem adhuc calentem cola.

DECOCTUM DAPHNES MEZEREI.

℞. Corticis radicis Daphnes Mezerei drachmas
duas,
Radicis Glycyrrhizæ glabræ contusæ unciam
dimidiam,
Aquæ libras tres.

DECOQUE leni igne ad libras duas, et cola.

DECOCTUM GEOFFRÆE INERMIS.

℞. Corticis Geoffræe inermis in pulverem triū
unciam unam,
Aquæ libras duas.

Coque leni igne ad libram unam, et cola.

DECOCTUM GUAJACI COMPOSITUM: vulgo,
DECOCTUM LIGNORUM.

℞. Scobis Ligni Guajaci officinalis uncias tres,
Fructûs siccati Vitis viniferæ uncias duas,
Radices Lauri Sassafras concisæ,
—— Glycyrrhizæ glabræ contusæ, utrius-
que unciam unam,
Aquæ libras decem.

DECOQUE leni igne lignum Guajaci et fructum Vitis viniferæ cum Aqua, ad libras quinque, sub finem adjiciens Radices; dein cola sine expressione.

DECOCTUM HORDEI DISTICHI.

℞. Seminum decorticatum Hordei Distichi uncias duas,
Aquæ libras quinque.

PRIMUM farina hordeo adhærens aquâ frigidâ abluatur; tum hordeum cum aquæ libra circiter dimidia aliquantulum coquatur, ut materia colo-

rans extrahatur ; quâ abjectâ, Hordeo ita purificato, quinque Aquæ bullientis libræ addantur ; dein hæc ad dimidiam coquantur, et colentur.

DECOCTUM POLYGALÆ SENEGÆ.

℞. Radicis Polygalæ Senegæ unciam unam,
Aquæ libras duas.

DECOQUE ad uncias sexdecim, et cola.

DECOCTUM SMILACIS SARSAPARILLÆ.

℞. Radicis Smilacis Sarsaparillæ concisæ uncias
sex,
Aquæ libras octo.

DIGERE per duas horas, calore circiter 195° ,
dein Radicem exime et contunde ; contusam li-
quori redde, et decoque, leni igne, ad quatuor li-
bras ; tum exprime et cola.